

周賀詩集

李丞相詩集

七
八

周文詩集 李區相詩集

四部叢刊續編

周賀詩集 李丞相詩集

(一〇二〇八)

翻刻必究

中華民國二十三年八月初版

本書實價國幣陸角

外埠酌加運費匯費

發行人

王

上海

雲

河南

五

路

印刷所

商

上海

印

河南

館

路

發行所

商

上海

印

及各

書

埠

館

周賀詩集

四部叢刊續編集部

上海涵芬樓借常
熟瞿氏鐵琴銅劍
樓藏宗刊本景印
原書版匡高十六
公分寬十三公分

四格書

兼格

周賀詩集

留辭杭州姚合郎中

波濤千里隔抱疾亦相尋
會宿逢高燒辭歸值積霖
叢桑山店迥孤燭海船深
尚有重來約知無省閣心

酬吳之問見贈

已當聽鴈夜多事不同居
故疾離城晚秋霖見月踈
趁風開靜戶帶葉卷閑書
盪漿期南去荒園久廢鋤

寄姚合郎中



轉刺名山郡連年別省曹分題得客少著價買
書高晚柳蟬和角寒城燭照濤鄱溪卧疾者未
獲後乘騷

送分定歸靈夏

南遊多夏疾見說講經稀塞寺幾僧在闕城空
自歸帶河衰草斷映日早沙飛却到禪齋後邊
軍識衲衣

與崔弇話別

歸思綠平澤齋夜話遲人尋馮翊去草向建
康襄雨雪生中路干戈阻後期幾年方見面應

是鑷蒼鬚

送康紹歸建鄴

南朝秋色滿君去意如何帝業空城在民田壞
塚多月圓臺獨上栗綻寺頻過籬下西江水相
思見白波

再過王輅原居納涼

夏天多憶此早晚得秋分舊月來還見新蟬坐
忽聞扇風調病葉溝水隔殘雲別有微涼處從
容不似君

同朱慶餘宿翊西上人房

周集言
溪僧還共謁相與坐中天屋雪凌高燭山茶稱
遠泉夜清更徹寺空闊鴈衝天莫恠多時話重
來又隔年

送耿山人歸湖南

南行隨越僧別業幾池菱兩鬢已垂白五湖歸
挂曾夜濤鳴柵鎖寒葦露船燈此去已無事却
來知不能

送省已上人歸太原

惜別聽邊漏窻燈落燼重寒僧迴絕塞夕雪下
窮冬出定聞殘角休兵見壞峰何年更來此老

却倚塔松

寄寧海李明府

山縣風光異公門水石清一官居外府幾載別
東京故疾梅天發新詩雪夜明家貧思減選時
靜憶歸耕抱跡窮書義澄心得獄情夢靈邀客
解劔古揀人呈守月通宵坐尋花迥路行從來
愛知道何慮白髭生

宿招山晝公禪堂

從作兩河客別離經半年却來峯頂宿知廢井
南禪積靄沉斜月孤燈照落泉何當閑事盡相

伴老溪邊

相次尋舉客寄住人

停橈因舊識白髮向波濤以我往來倦知君耕稼勞渚田臨舍盡坂路出簷高遊者還南去終期伴爾曹

出關寄賈島

舊鄉無子孫誰共老青門迢遞早秋路別離深夜村伊流背遠客岳響蒼啼猿去後期招隱何當復此言

暮冬長安旅舍

湖外誰相識思歸日日頻
遍尋新住客少見故鄉人
失計空知命勞生恥爲身
看洞庭樹即是舊山春

贈胡僧

瘦形無血色草屨著行穿
閑話似持呪不眠同坐禪
肯經來漢地袒膊過冬天
情性人難會遊方應信緣

贈李主簿

稅時兼主印每日得閑稀
對酒妨科吏爲官亦典衣
案遲吟坐待宅近步行歸
見說偏論道應

愁判是非

休糧僧

一齋難過日况是更休糧
養力時行道聞鍾不上堂
唯留溫藥火未寫化金方
舊有山厨在從僧請作房

懷西峯隱者

灌木藏岑色天寒望即愁
高齋何日去遠瀑入城流
臘近溪書絕燈殘夜雪稠
邇來相憶處枕上苦吟休

栢巖禪師

野寺絕依念靈山會通行老來披衲重病後讀
經生乞食憊村遠尋溪愛路平多年栢巖住不
記栢巖名

旅懷

不覺月又盡未歸還到春雪通廬岳夢樹匝草
堂身澤鴈和寒露江槎帶遠薪何年自此去舊
國有■隣

緱氏韋明府廳

貴邑秋風滿誰同上宰心杉松出郭外雨電下
蒿陰度鴈方離壘來僧始別岑西池月纔迴會

三五
周賀詩
五
接一宵吟

送朱慶餘

野客行無定全家在浦東寄眠僧閣靜贈別橐
金空舊里千山隔歸舟百計同藥資如有分相
約老吳中

長安送人

上國多離別年年渭水濱空將未歸意說向欵
行人鴈度池塘月山連并邑春臨分惜携手日
暮一沾巾

宿開元寺樓

西峯殘日落誰見寥寂心孤枕客眠久兩廊僧
話深寒扉開雨氣風葉隱鍾陰此愛東樓望仍
期別夜尋

投江州張郎中

要地無閑日仍容冒謁頻借山年涉閨寢郡月
逾旬驛徑曾衝雪方泉省滌塵隨行溪路細接
話草堂新減藥痊餘癖飛書苦問貧噪蟬離宿
殼吟石寄秋身鍊句貽箱篋懸圖見蜀岷使君
匡嶽近終作社中人

送僧還南岳

辭僧下水棚因夢嶽鍾聲遠路獨歸寺幾時重
到城風高寒葉落雨絕夜堂清自說溪居後隣
州亦不行

秋思

楊柳已秋思楚田仍刈禾歸心病起切敗葉夜
來多細雨城蟬噪殘陽嶠客過舊山餘業在杳
隔洞庭波

旅情

黃葉下堦頻徐徐起病身殘秋螢出盡獨夜鴈
來新別業去千里舊鄉空四隣孤舟尋幾度又